























鄧徵君先生批點史記序  
文章之有品畫也猶乾坤  
之有日月而人心思之有  
明聰也覆載雖大弗得日



月則不明神智雖深弗得  
明聰則不耀唐虞三代六  
經之文經數千載焉始得  
吾夫子爲之刪定諸大聖



人於百千流衍之世界迤  
波迤靡而卒如不動山如  
常撞鍾者吾夫子刪定之  
功爲之也吾夫子之斯文



又經百餘載焉始得子輿  
氏爲之論定豎一宗於百  
千羣議之中雖諸子百家  
騰躍紛嘒於世者如魚鱗



而卒使終古之人心知折  
衷於孔氏者子輿之論定  
爲之也子輿寧獨以拒楊  
墨配禹也哉子輿沒其文



至宋興始得蘇氏焉爲之  
批點此今日諸家紛紛批  
點之所自衍也雖然難言  
之矣作者之精神與閱者



之精神自爲一地未必面  
相訂也政未必心相肖也  
夫大得意則大怪小得意  
則小怪毋論矣卽或其歌



其賞其摹其擬中未必不

我自歌賞我自摹擬起作

者而訊焉然乎否也子玄

之註蒙莊尚矣然起蒙莊



而商焉蒙莊政未必盡愛  
也摠之人各以其學以其  
識以其才情度量自爲流  
轉自爲堅據且如一人之



身旦是而夕非甲可而乙  
否吾一人尚不能自得其  
符會處而欲取千百年已  
陳之骨而爲之符會豈易



也哉此子期死而伯牙爲  
之廢業有以也夫若我徵  
君先生之批點子長文斯  
其至矣子長以高深博厚



之學識徧觀逖覽之襟期

家世淵源之志氣綢繆鬱

積際武帝好大喜功之會

欲言不能欲置不得槩括



而寄之史記其唏噓嗚咽  
之情傳神寫照之筆旁敲  
遠擊之韻良工苦心可謂  
至矣千古而下服其奇氣



者多矣顧奇氣足以盡子

長哉沿相訾議者亦多矣

顧訾議足以覆子長哉唯

先生於精研性命囊括千



古之餘時時取子長之文  
細研而力討之神與境會  
意緣識開一指一畫若萬  
物之遇春氣而生意磅礴



也又若黍稷之當秋成而  
結實離離也若僧繇之點  
睛而鱗爪欲飛去也又若  
重臣之捧圭執璧而雍雍



肅肅聲折於廊陛之上而  
間不容忽也若人人意所  
欲言又若人人畢世不能  
言而先生忽代爲之言也



是選也以予聞之長老先

生凡八易本而后定韋編

幾絕九原如生子長之衡

量鬚眉欲現先生之指點



肺肝若溢直與尼父之刪  
定子輿之論次同歸於極  
而子長之精光亦庶幾如  
日月之恒懸而明聰之無



壅閼所謂藏之名山傳之

其人者幾幾乎無憾於當

年也矣夫蘭之爲物也微

倏忽之萌耳引而伸之可



致尋丈然而於繭之體質  
絲毫無增損焉則知先生  
所以品畫子長文者可以  
悟性可以悟學矣



皇明崇禎甲戌元宵前三日

宗後學晉頓首題





鄧徵君先生批點史記叙  
邑徵君鄧先生縱觀編摩  
五十年著書滿車今海內  
咸知誦服景慕衣被無窮



矣先生之書行于世不一

卽未行于世亦不一函史

其行世者也選評史記內

編則未行世世亦莫知之



史函之刻繇來久矣而制  
非加善較非加詳先生之  
曾孫及邑之士大夫復卽  
其三摹本存覽編等書叅



伍而閱之授諸梓蓋其規  
制已立于無餘而無復處  
次優之地梓旣成碩伏讀  
之泮泮乎彌綸連亘而靡



竟也曰夫孰從而涯際之  
哉先王之祭川也先河而  
后海一祭川耳猶有原委  
之思而况吾儕讀先生之



面者乎顧先生之原遠矣

綆短不足汲深毛倫不可

語微亦安所取津筏焉夫

世之立言者或險絕天下



之所未經抑或隅居分數  
之所未全是二者吾得以  
意逾之以理斷之而以說  
窮之雖不可以立盡可以



近盡也若夫先生之函則

不然渾渾灝灝網羅三千

年間而初非有意於立言

大要包乎無外立乎不易



上達諸天下適諸物如是  
而已故夫才人之言易盡  
以其得于天分之多而興  
核則眇學人之文易盡以



其出于志載之餘而適用  
則膠唯其如是是以知史  
函之不易讀而讀史函之  
難其人也曰夫孰從而涯



際之哉母也則以先生之  
言測先生乎先生之序上  
編也曰義稟於經文裁于  
史嗚呼先生其示我津筏



矣世代之史二十一家而

褒然稱冠今古則唯龍門

太史太史足跡遍天下收

天下名山大川奇形異態



而盡羅之掌躋先生所贊  
深渾高厚而咸一氣橐籥  
之又其事可以意逾而不  
可以言求蓋一本乎先聖



尊親之象予奪之公而成  
焉者也此亦豈易測也哉  
測之則恃有先生之選評  
也先生之於記蓋夢寐志



之選評之稿本凡八易而  
乃克成內編庶几三絕之  
家風焉且無暇枚舉試言  
其一二大端禮書樂書終



之以荀子樂記世盡以爲  
褚少孫所補得先生論定  
太史不敢作禮樂之意犁  
然伯夷傳世率以爲贗鼎



得先生論定太史不敢遺  
逸仁聖賢人之意又皇然  
至如高帝帝也太史記其  
微時行事太詳先生則以



爲過于瑣殊失帝王本紀

之體凡此類者豈非發于

古未有爲后學濫程者哉

所賞當妙所攻當隙或以



長短察其情或以顯微卜  
其意又或義例見于此而  
論斷寓于彼至于以氣應  
以神應以勢應莫不洞胸



見垣談言微中嗚呼先生

可謂得太史之髓矣試卽

函與記並觀則特創義例

有之而所因亦多也豈猶



豐蔀勿翦也與哉太史之  
史史也先生之史史而經  
矣論者曰經之與史迂與  
合與天爲之抑人爲之耶



曰天也非人也太史丁秦

燭初熄儒術未明又遭逢

不幸故其牢騷感慨竒宕

不羈之氣往往溢于毫楮



問若先生則值五百年來  
完結之氣溫積純粹以精  
無問然而成矣今細繹其  
評選以究推其權衡未必



非沿流窮原之一助也是

編也秘于笥中世莫能見

卽邑一二懷古之士得其

一二而不全而碩適有天



幸以大父父親炙先生故  
先大父博學篤行與先生  
分更漏共砥礪一塌者十  
餘年雖碩生也脫不獲覩



先大父音容而克存其遺  
編若家大人則沐浴其過  
存頗能約畧彷彿其意往  
往爲碩稱引先生集史之



成津津勿絕又先生孫先  
大父之外孫也遣其仲子  
應琚從碩遊而仲與其孟  
若季俱閉戶弦誦能盡發



先生之藏因欲盡傳先生  
之業乃與碩及宗學晉謀  
爲較而梓之與史函並行  
以公天下質萬世洵鉅觀




也而碩得弁一言于簡端  
自附私淑之末豈非生人  
之厚幸也哉

同邑後學江以碩薰沐



拜官書





史記目錄

第一卷

五帝本紀贊

夏本紀贊

殷本紀贊

周本紀贊

秦本紀

畧

始皇本紀



項羽本紀

第二卷

漢高祖本紀

呂后本紀

孝文本紀

孝景本紀贊

第三卷

禮書



樂書

律書

曆書

第四卷

天官書

封禪書

河渠書

平準書



第五卷

三代世表

十二諸侯年表

六國表

秦楚之際月表

漢興以來諸侯年表

高祖功臣侯者年表

惠景間侯者年表



建元以來侯者年表

建元以來王子侯者年表

漢興以來將相名臣年表

缺

第六卷

吳世家贊

齊世家贊

魯世家贊

燕世家贊



易言附錄  
管蔡世家贊

陳世家贊

衛世家贊

宋世家贊

晉世家贊

楚世家

畧

越世家

全

趙世家

畧



魏世家 畧

韓世家 畧

田世家 畧

鄭世家贊

孔子世家贊

弟子贊 附

第七卷

夷齊列傳

老莊申韓列傳



管晏列傳

孟荀列傳

屈賈列傳

孟嘗君列傳

平原君列傳

信陵君列傳

春申君列傳

商君列傳



第八卷

蘓秦列傳

張儀列傳

范雎列傳

蔡澤列傳

穰苴列傳

孫吳列傳

第九卷



史記內紀  
樂毅列傳

廉藺列傳

田單列傳

魯仲連列傳

鄒陽列傳

呂不韋列傳

刺客列傳

甘茂列傳



穰侯列傳

起翦列傳

李斯列傳

二蒙列傳

第十卷

張耳陳餘列傳

陳涉世家

外戚世家



齊悼王世家

梁孝王世家

三王世家

第十一卷

蕭相國世家

曹相國世家

留侯世家

陳丞相世家



韓淮陰侯列傳

周絳侯世家

魏豹彭越列傳

黥布列傳

第十二卷

韓王信列傳

田儋列傳

樊鄴滕灌列傳



張蒼列傳

酈生陸賈列傳

劉敬叔孫通列傳

二布列傳

袁盎列傳

晁錯列傳

張馮列傳

萬石君列傳



張叔列傳

田叔列傳

韓長孺列傳

汲鄭列傳

第十三卷

平津侯主父偃列傳

循吏列傳贊

酷吏列傳



史記內編  
吳王濞列傳

淮南衡山列傳

魏其武安列傳

衛將軍列傳

李將軍列傳

第十四卷

匈奴列傳

南越列傳



東越列傳

朝鮮列傳

西南夷列傳

大宛列傳

第十五卷

扁鵲倉公列傳

司馬相如列傳

儒林列傳

畧



游俠列傳

畧

滑稽列傳贊

貨殖列傳

太史公自序

史記內編目錄終





附刻太史公論

具函史文學傳中

論曰予讀太史公書深渾高厚未嘗不太息其自神  
化中來也。彼其書引類連萃錯經紀累牘而咸其一  
氣橐籥之也。又其意可以志逆而不可以言求。後作  
者有是夫。歲七閱月而二氣乃復律隔八相生。史記  
造端於此而見義於彼。一也。乃其叙世隆汙勝復人  
慘舒悲喜之變形神具出。皆神化所至有目者覩之  
矣。或頗疵其多愛而記繁有之。豈亦猶豐蔀勿翦也。



與哉則史道然也。化而知裁乎。經矣。其自言曰。春秋  
推見至隱。易本隱以之顯。大雅言王公大人而德及  
黎庶。小雅譏小己之得失。其原及上。言雖外殊。其合  
德一也。嗚呼。史兼之矣。



史記內編卷之一

漢 龍門司馬遷 著

明 建武鄧元錫選評

五帝紀贊

傳疑而衷

太史公曰學者多稱五帝喚尚矣然尚書獨載堯以來

實

曲折斷

而百家言黃帝其文不雅馴薦紳先生難言之孔子

所傳宰予問五帝德及帝繫姓儒者或不傳余嘗西

至空峒北過涿鹿東漸於海南浮江淮矣至長老皆



選、然、千、古、之、想

各、往、往、稱、黃、帝、堯、舜、之、處、風、教、固、殊、焉、總、之、不、離、古

文、者、近、是

宗、尚、書



夏禹紀贊

太史公曰禹爲姒姓其後分封用國爲姓故有夏后

氏有扈氏有男氏斟尋氏彤城氏褒氏費氏杞氏緡

氏辛氏冥氏斟氏戈氏孔子正夏時學者多傳夏小

正云自虞夏時貢賦備矣或言禹會諸侯江南計功

而崩因葬焉命曰會稽會稽者會計也

本

支

夏后○得○天○百○王○大○法

夏后平地故書○列○禹○貢

夏后勤民而彪故著

○冷○有○味○



川省通志

卷一



殷本紀贊

○有微之

幻化

應在秦本紀而秦竟滅矣句意渾渾不露

太史公曰、余以頌次契之事、自成湯以來、采於書詩、  
契爲子姓、其後分封、以國爲姓、有殷氏、宋氏、空  
桐氏、稚氏、北殷氏、目夷氏、孔子曰、殷路車爲善而色  
尚白、



身言内編

卷一



東遷周所以  
區故著

# 周本紀贊

太史公曰學者皆稱周伐紂居維邑綜其實不然武  
王營之成王使召公卜居居九鼎焉而周復都豐鎬  
至犬戎敗幽王周乃東徙于維邑所謂周公葬我畢  
畢在鎬妙東南杜中秦滅周漢興九十有餘載天子將  
封泰山東廵狩至河南求周苗裔封其後嘉三十里  
地號曰周子南君比列侯以奉其先祭祀

盛德者必百世祀

世遠澤微矣

夏殷周之衍世秦之異顯後事之師也太史公三



我意焉



六國事如觀  
掌裏

秦本紀 畧

孝公元年、河○山○以○東○疆○國○六○與○齊○威○楚○宣○魏○惠○燕○悼○  
韓○哀○趙○成○侯○並○淮○泗○之○間○小○國○十○餘○楚○魏○與○秦○接○界○  
魏○築○長○城○自○鄭○濱○雒○以○北○有○上○郡○楚○自○漢○中○南○有○巴○  
黔○中○周○室○微○諸○侯○力○政○爭○相○併○秦○僻○在○雍○州○不○與○中○  
國○諸○侯○之○會○盟○夷○翟○遇○之○孝○公○於○是○布○惠○振○孤○寡○招○  
戰○士○明○功○賞○下○令○國○中○曰○昔○我○穆○公○自○岐○雍○之○間○修○  
德○行○武○東○平○晉○亂○以○河○爲○界○西○霸○戎○翟○廣○地○千○里○天○



便見當時

只晉與秦爭

天下權

不痛不奮

子致伯諸侯畢賀爲後世開業甚光美會往者厲躁  
謹署簡公出子之不寧國家內憂未遑外事三晉攻奪我  
宣先君河西地諸侯卑秦醜莫大焉獻公卽位鎮撫邊  
境徙治櫟陽且欲東伐復穆公之故地修穆公之政  
令寡人思念先君之意常痛於心賓客群臣有能出  
奇計彊秦者吾且尊官與之分土

雄眎氣勢頗似漢祖詔令然大都只欲強秦



秦始皇本紀

秦始皇帝者、秦莊襄王子也、莊襄王爲秦質子於趙、  
見呂不韋姬、悅而取之、生始皇、以秦昭王四十八年  
正月生於邯鄲、及生、名爲政、姓趙氏、年十三歲、莊襄  
王死、政代立爲秦王、當是之時、秦地已并巴蜀漢中、  
越宛有郢、置南郡矣、北收上郡以東、有河東太原上  
黨郡、東至滎陽、滅二周、置三川郡、呂不韋爲相、封十  
萬戶、號曰文信侯、招致賓客游士、欲以并天下、李斯

藏西南



史記內紀 卷一  
爲舍人蒙騫王齕、庶公等爲將軍。王年少，初卽位，委國事大臣。晉陽反。

元年，將軍蒙騫擊定之。

二年，庶公將卒攻卷，斬首三萬。

三年，蒙騫攻韓，取十三城。王齕死。十月，將軍蒙騫攻魏氏。暘有詭，歲大饑。

四年，有詭。三月，軍罷。秦質子歸自趙。趙太子出。

歸國土。

庚寅，蝗蟲從東方來，蔽天。天下疾，百姓內。



粟千石、拜爵一級、

五年、將軍驚攻魏、定酸棗、燕虛、長平、雍丘、山陽城、皆拔之、取二十城、初置東郡、冬、雷、

六年、韓、魏、趙、衛、楚、共擊秦、取壽陵、秦出兵、五國兵罷、拔衛迫東郡、其君角率其支屬徙居野王、阻其山、以保魏之河內、

七年、彗星先出東方、見北方、五月、見西方、將軍驚死、以攻龍孤、慶都、還兵攻汲、彗星復見西方、十六日、夏、



太后死

八年王弟長安君成驕將軍擊趙反死屯留軍吏皆  
斬死遷其民於臨洮將軍壁死卒屯留蒲鶮反戮其

屍

索隱曰成驕爲將軍而反秦兵擊之而驕壁於屯  
留而死屯留蒲鶮二邑之反卒雖死猶皆戮其屍

河魚大上輕車重馬東就食嫪毐封爲長信侯予之

山陽地令毐居之宮室車馬衣服苑囿馳獵恣毐事

無大小皆決於毐又以河西太原郡更爲毐國

九年彗星見或竟天攻魏垣蒲陽四月上宿雍巳酉



王冠帶劔、長信侯毒作亂而覺、矯王御璽及太后璽、以發縣卒及衛卒、官騎、戎翟君公舍人、將欲攻斬、年宮爲亂、王知之、令相國昌平君、昌文君發卒攻毒、戰咸陽、斬首數百、皆拜爵、及宦者皆在戰中、亦拜爵一級、毒等敗走、即令國中有生得毒、賜錢百萬、殺之五十萬、盡得毒等、衛尉竭、內史肆、佐弋竭、中大夫令齊等、二十人皆梟首、車裂以徇、滅其宗、及其舍人、輕者爲鬼薪、及奪爵遷蜀四千餘家、家房陵、四月、寒凍有



死者楊端和攻衍氏、彗星見西方、又見北方、從斗以南、八十日、

十年、相國呂不韋坐嫪毐免、桓齮爲將軍、齊趙來、置酒、齊人茅焦說秦王曰、秦方以天下爲事、而大王有遷母太后之名、恐諸侯聞之、由此倍秦也、秦王乃迎太后於雍而入咸陽、復居甘泉宮、大索逐客、李斯上書說乃止、逐客令、李斯因說秦王請先取韓、以恐他國、於是使斯下韓、韓王患之、與韓非謀弱秦、大梁人



尉繚來說秦王曰、以秦之彊、諸侯譬如郡縣之君臣、  
但恐諸侯合從、翕而出、不意此乃智伯夫差、湣王之  
所以亾也、願大王母愛財物、賂其豪臣、以亂其謀、不  
過亾三十萬金、則諸侯可盡、秦王從其計、見尉繚、亢  
禮、衣服、食飲、與繚同、繚曰、秦王爲人、蜂準、長目、摯鳥  
膺、豺聲、少恩而虎狼心、居約易出人下、得志亦輕食  
人、我布衣然見我、常身自下、我誠使秦王得志於天  
下、天下皆爲虜矣、不可與久游、乃亾去、秦王覺、固止



史記卷八  
以爲秦國尉，卒用其計策，而李斯用事。

十一年，王翦、桓齮、楊端和攻鄴，取九城。王翦攻閼與、  
橐楊，皆并爲一軍，翦將。十八日，軍歸，斗食以下什推  
二人從軍，取鄴、安陽。桓齮將。

十二年，文信侯不韋死，竊葬其舍人。臨者，晉人也。逐  
出之。秦人六百石以上奪爵，遷五百石以下不臨，遷。  
勿奪爵。自今以來，操國事不道如嫪毐，不韋者，籍其  
門視此。秋，復嫪毐舍人遷蜀者，當是之時，天下大旱。



六月至八月乃雨、

十三年、桓齮攻趙平陽、殺趙將扈輒、斬首十萬、王之河南、正月、彗星見東方、十月、桓齮攻趙、

十四年、攻趙軍於平陽、取宜安、破之、殺其將軍、桓齮定平陽武城、韓非使秦、秦用李斯謀、留非、非死雲陽、韓王請爲臣、

十五年、大興兵、一軍至鄴、一軍至太原、取狼孟、地動、十六年、九月、發卒受地、韓南陽假守騰、初、令男子書



史記內紀 卷一  
年魏獻地於秦秦置麗邑

十七年內史騰攻韓得韓王安盡納其地以其地爲郡命曰潁川地動華陽太后卒民大饑

十八年大興兵攻趙王翦將上地下井陘端和將河內羗虜伐趙端和圍邯鄲城

十九年王翦羗虜盡定取趙地東陽得趙王引兵欲攻燕屯中山秦王之邯鄲諸嘗與王生趙時母家有仇怨皆阮之秦王還從太原上郡歸始皇帝母太后



崩趙公子嘉率其宗數百人之代自立爲代王東與燕合兵軍上谷大饑

二十年燕太子丹患秦兵至國恐使荆軻刺秦王秦王覺之體解軻以徇而使王翦辛勝攻燕燕代發兵擊秦軍秦軍破燕易水之西

二十一年王賁攻薊乃益發卒詣王翦軍遂破燕太子軍取燕薊城得太子丹之首燕王東收遼東而王之王翦謝病老歸新鄭反昌平君徙於郢大雨雪深



二尺五寸。

二十二年，王賁攻魏，引河溝灌大梁，大梁城壞，其王請降，盡取其地。

二十三年，秦王復召王翦，彊起之，使將擊荊，取陳以南至平輿，虜荊王，秦王游至郢，陳荊將項燕立昌平君爲荊王，反秦於淮南。

二十四年，王翦蒙武攻荊，破荊軍，昌平君死，項燕遂自殺。



二十五年大興兵使王賁將攻燕遼東得燕王喜還  
攻代虜代王嘉王翦遂定荆江南地降越君置會稽  
郡五月天下大酺

賁并

後號名

二十六年齊王建與其相后勝發兵守其西界不通  
秦秦使將軍王賁從燕南攻齊得齊王建秦初并天  
下令丞相御史曰異日韓王納地效璽請爲藩臣已  
而倍約與趙魏合從畔秦故興兵誅之虜其王寡人  
以爲善庶幾息兵革趙王使其相李牧來約盟故歸

發例



其質子已而倍盟反我太原故興兵誅之得其王趙  
公子嘉乃自立爲代王故舉兵擊滅之魏王始約服  
入秦已而與韓趙謀襲秦秦兵吏誅遂破之荆王獻  
青陽以西已而畔約擊我南郡故發兵誅得其王遂  
定其荆地燕王昏亂其太子丹乃陰令荆軻爲賊兵  
吏誅滅其國齊王用后勝計絕秦使欲爲亂兵吏誅  
虜其王平齊地寡人以眇眇之身興兵誅暴亂賴宗  
廟之靈六王咸伏其辜天下大定今名號不更無以



稱成功傳後世其議帝號丞相綰御史大夫劫廷尉  
斯等皆曰昔者五帝地方千里其外侯服夷服諸侯  
或朝或否天子不能制今陛下興義兵誅殘賊平定  
天下海內爲郡縣法令由一統自上古以來未嘗有  
五帝所不及臣等謹與博士議曰古有天皇有地皇  
有泰皇泰皇最貴臣等昧死上尊號王爲泰皇命爲  
制令爲詔天子自稱曰朕王曰去泰著皇采上古帝  
位號號曰皇帝他如議制曰可追尊莊襄王爲太上



除謚

雖秦人悖弊  
豈亦天數東  
流肅烈候與

皇制曰朕聞太古有號毋謚中古有號死而以行爲  
謚如此則子議父臣議君也甚無謂朕弗取焉自今  
已來除謚法朕爲始皇帝後世以計數二世三世至  
于萬世傳之無窮始皇推終始五德之傳以爲周得  
火德秦代周德從所不勝方今水德之始改年始朝  
賀皆自十月朔衣服旄旌節旗皆上黑數以六爲紀  
符法冠皆六寸而輿六尺六尺爲步乘六馬更名河  
曰德水以爲水德之始剛毅戾深事皆決於法刻削



定本德

母仁恩和義然後合五德之數於是急法久者不赦丞相綰等言諸侯初破燕齊荆地遠不爲置王母以填之請立諸子唯上幸許始皇下其議於羣臣羣臣皆以爲便廷尉李斯議曰周文武所封子弟同姓甚衆然後屬䟽遠相攻擊如仇讐諸侯更相誅伐周天子弗能禁止今海內賴陛下神靈一統皆爲郡縣諸子功臣以公賦稅重賞賜之甚足易制天下無異意則安寧之術也置諸侯不便始皇曰天下共苦戰鬪



熒渾變化

罷封建

銷兵

土木

史記內紀 卷一  
不休以有侯王。賴宗廟天下初定。又復立國。是樹兵也。而求其寧息。豈不難哉。廷尉議是。分天下以爲三十六郡。郡置守尉監。更名民曰黔首。大酺。收天下兵。聚之咸陽。銷以爲鍾鐻。金人十二。重各千石。置廷宮中。一法度衡石丈尺。車同軌。書同文字。地東至海。暨朝鮮。西至臨洮。兪中。南至北嚮戶。北據河爲塞。並陰山。至遼東。徙天下豪富於咸陽十二萬戶。諸廟及章臺上林。皆在渭南。秦每破諸侯。寫放其宮室。作之咸



陽北阪上南臨渭自雍門以東至涇渭殿屋複道周  
閣相屬所得諸侯美人鍾鼓以充入之二

二十七年始皇廵隴西北地出雞頭山過回中焉作  
信宮渭南已更命信宮爲極廟象天極自極廟道通  
鄠山作甘泉前殿築甬道自咸陽屬之是歲賜爵一  
級治馳道

二十八年始皇東行郡縣上鄒嶧山立石與魯諸儒  
生議刻石頌秦德議封禪望祭山川之事乃遂上泰



慎曰老子云  
明道若昧夷  
道若類進道  
若退上德若  
谷太白若辱  
廣德若不足  
建德若偷質  
真若渝大方  
無隅大器晚  
成大音希聲  
大象無形文  
者三句爲韻  
新刻石文  
亦有所祖

山立石封祠祀下風雨暴至休於樹下因封其樹爲  
五大夫禪梁父刻所立石其辭曰皇帝臨位作制明  
法臣下脩飭二十有六年初并天下罔不賓服親巡  
遠方黎民登茲泰山周覽東極從臣思迹本原事業  
祇誦功德治道運行諸產得宜皆有法式大義休明  
垂于後世順承勿革皇帝躬聖既平天下不懈於治  
夙興夜寐建設長利專隆教誨訓經宣達遠近畢理  
咸承聖志貴賤分明男女禮順慎遵職事昭隔內外



道

此銘大綱十  
二句作大節  
日皇帝字作  
杜六大節六

靡不清淨施于後嗣化及無窮遵奉遺詔永承重戒  
於是乃釜勃海以東過黃腫窮成山登之罘立石頌  
秦德焉而去南登琅邪大樂之留三月乃徙黔首三  
萬戶琅邪臺下復十二歲作琅邪臺立石刻頌秦德  
明德意曰維二十六年皇帝作始端平法度萬物之  
紀以明人事合同父子聖智仁義顯白道理東撫東  
土以省卒士事已大畢乃臨于海皇帝之功勤勞本  
事上農除末黔首是富曾天之下博心揖志器械一



皇帝字

慎曰泰山刻

石銘每三句

一韵之采碣

石會稽三銘

皆然其文質

核直致而無

華采頗雜以

之蹟自是秦

時一祿文字

量同書文字

索隱曰搏古專字左傳云如琴瑟之專一揖音集慎云搏字音輒從心從專與

博字不同博音剝从十从專也。不深於字學者多混用之。日月所照舟輿所載皆

終其命莫不得意應時動事是維皇帝匡飭異俗陵

水經地憂恤黔首朝夕不懈除疑定法咸知所辟方

伯分職諸治經易舉錯必當莫不如畫皇帝之明臨

察四方尊卑貴賤不踰次行姦邪不容皆務貞良細

大盡力莫敢怠荒遠邇辟隱專務肅莊端直敦忠事

業有常皇帝之德存定四極誅亂除害興利致福節



視李斯筆也

前二銘最佳

事以時、諸產繁殖、黔首安寧、不用兵革、六親相保、終  
無寇賊、驩欣奉教、盡知法式、六合之內、皇帝之土、西  
涉流沙、南盡北戶、東有東海、北過大夏、人迹所至、無  
不臣者、功蓋五帝、澤及牛馬、莫不受德、各安其宇、維  
秦王兼有天下、立名爲皇帝、乃撫東土、至于琅邪、列  
侯、武城侯王離、列侯通武侯王賁、倫侯、建成侯趙亥、  
索隱曰、倫侯爵卑於列侯、無封邑者、倫類也、亦列侯之類、倫侯昌、武侯成、倫侯武  
信侯馮毋擇、丞相隗林、丞相王綰、卿李斯、卿王戊、五



慎曰泰山刻

石銘每三句

一韵之要

前二韻最

皆然其文質

核直致而無

華采頗雜以

之體自是秦

時李說筆也

計封焉母對永昧則林丞昧王餘陳李典陳王丸正

捷号昔俞陳也机限封以陳俞封昌苑封宛俞封苑

紫豐日俞封實畢苑限封無俞封昌苑封宛俞封苑

封苑宛封王擴限封最苑封王黃俞封豐宛封賦支

秦王兼育天下立各為皇帝伏無東止至年則限限


不至者收蓋正帝對效半無莫不受蓋各安其宇縣

封宛宛南蓋其兵東育東越其疆大夏人越祖至無

無宛宛對宛奉烽蓋限封宛天合之內端帝文土西

事以報前蓋蓋限有安寧不用兵革大縣昧封餘







大夫趙嬰、五大夫楊樛，從與議於海上，曰：古之帝者，地不過千里，諸侯各守其封域，或朝或否，相侵暴亂，殘伐不止，猶刻金石以自爲紀。古之五帝三王，知教不同，法度不明，假威鬼神以欺遠方，實不稱名，故不久長，其身未歿，諸侯倍叛，法令不行。今皇帝并一海內，以爲郡縣，天下和平，昭明宗廟，體道行德，尊號大成，羣臣相與誦皇帝功德，刻于金石，以爲表經。旣已，齊人徐市等上書言：海中有三神山，名曰蓬萊、方丈、



詩雅史纂曰  
威烈王時九  
鼎震震者論  
之兆也鼎神  
物也既能震  
動則沒入水  
理也宋太丘  
社亡者自亡  
也社能自亡  
則鼎能自沒  
無疑使鼎誠  
在秦則始皇

瀛洲僊人居之請得齋戒與童男女求之於是遣徐  
市發童男女數千人入海求僊人始皇還過彭城齋  
戒禱祠欲出周鼎泗水使千人沒水求之弗得乃西  
南渡淮水之衡山南郡浮江至湘山祠逢大風幾不  
得渡上問博士曰湘君何神博士對曰聞之堯女舜  
之妻而葬此於是始皇大怒使刑徒三千人皆伐湘  
山樹赭其山上自南郡由武關歸  
二十九年始皇東游至陽武博狼沙中爲盜所驚求



必不使人人  
水而求也秦  
所鑄金人其  
爽少矣猶能  
潛然泣  
宋子虛曰史  
何以書鼎入  
秦也秦耻不  
得鼎而詭書  
史因之不改  
也事有若實  
而妄者秦得  
周鼎也有書  
誣而實者鼎  
入泗水也

弗得乃令天下大索十日登之罘刻石其辭曰維二  
十九年時在中春陽和方起皇帝東游巡登之罘臨  
照于海從臣嘉觀原念休烈追誦本始大聖作治建  
定法度顯著綱紀外教諸侯光施文惠明以義理六  
國回辟貪戾無厭虐殺不已皇帝哀衆遂發討師奮  
揚武德義誅信行威燁旁達莫不賓服烹滅彊暴振  
救黔首周定四極普施明法經緯天下永爲儀則天  
矣哉字繇之中承順聖意羣臣誦功請刻于石表垂



此二銘專以  
滅六國爲雄  
與前琅瑯立  
石又不類蓋  
秦皇末年尤  
暴戾故也

于常式其東觀曰維二十九年皇帝春游覽省遠方

逮于海隅遂登之罘昭臨朝陽觀望廣麗從臣咸念

原道至明聖法初興清理疆內外誅暴彊武威旁暢

振動四極禽滅六王闡并天下菑害絕息永偃戎兵

皇帝明德經理宇內視聽不怠作立大義昭設備器

咸有章旗職臣遵分各知所行事無嫌疑黔首改化

遠邇同度臨古絕尤常職既定後嗣循業長承聖治

羣臣嘉德祇誦聖烈請刻之罘旋遂之琅瑯道上黨



入

三十年無事

三十一年十二月更名臘曰嘉平

太原真人茅盈內紀曰始皇三十一年

年九月庚子盈曾祖父蒙乃於華山之中乘雲駕龍白日升天先是其邑謠歌曰神仙得者茅初成駕龍上升入泰清時下玄洲戲赤城繼世而往在我盈帝若學之臘嘉平始皇聞謠歌而問其故父老具對此仙人之謠歌勸帝求長生之術於是始皇欣然乃有尋仙之志因改臘曰嘉平○索隱曰廣雅曰夏日清祀殷曰嘉平周曰大蜡亦曰臘秦更曰嘉平

賜黔首里六石米二竿始皇

爲微行咸陽與武士四人俱夜出逢盜蘭池見窘武



